

বাংলাদেশ ফুটবল ফেডারেশনের সম্মানিত সভাপতির মাসিক (আগস্ট ২০২২) বিবৃতি

বাংলাদেশ ফুটবল ফেডারেশনের পক্ষ থেকে সবাইকে আন্তরিক শুভেচ্ছা।

বাফুফে ও বাংলাদেশের ফুটবলকে সামনে এগিয়ে নিতে সুদক্ষ পরিকল্পনা এবং সাহসী নেতৃত্ব প্রদানের মাধ্যমে উন্নয়নের ধারা অব্যাহত রেখে আমরা কাজ করে যাচ্ছি। কিন্তু এই কাজ বাফুফে কার্যনির্বাহী কমিটির পক্ষে একা করা সম্ভবপর নয়, এখানে সকলের অব্যাহত সমর্থন ও সহায়তা আবশ্যিক।

আমাদের ফুটবলীয় দৃষ্টিভঙ্গিকে সমুল্লত রেখে সবাইকে ফুটবলের সাথে সম্পৃক্ত করে আরও কাছাকাছি নিয়ে আসা এবং সম্পূর্ণ দেশকে অনুপ্রাণিত করে দেশবাসী ও সংস্কৃতিকে অনুঘটক হিসেবে ব্যবহারের মাধ্যমে আমাদের উন্নয়নমূলক কার্যক্রম অব্যাহত রাখা অত্যাবশ্যিক। এই কাজটি তখনই সম্ভব যখন

বাংলাদেশ জাতীয় ফুটবল দল দেশের জন্য একটা বড় জয় নিয়ে আসবে এবং সেই কাজিত জয় তুলে আনার জন্যে দরকার একটি নিরবিচ্ছিন্ন প্লেনার পাথওয়ে এবং সমস্ত প্রযুক্তিগত সহায়তাসহ একটি হাই পারফরম্যান্স ইউনিট। এছাড়াও আমাদের চলমান উন্নয়নমূলক কর্মকাণ্ডগুলোর মধ্যে রয়েছে যুব উন্নয়ন, কোচ এডুকেশন, প্রতিভা অন্বেষণ ও উন্নয়ন। মহামারীর প্রভাব কাটিয়ে নিজেদের লক্ষ্য ও উদ্দেশ্য পুনরায় দৃঢ় করার জন্য আমাদেরকে অনেক সাহসী পদক্ষেপ নিতে হয়েছিল, তারই ধারাবাহিকতায় আজ সারা বাংলাদেশে ফুটবলের পুনর্জাগরণ ও ইতিবাচক পরিবর্তন আসা শুরু করেছে। আমরা চেষ্টা চালিয়ে যাব এবং অভিপ্রায় নিয়ে এগিয়ে যাবো।

বাংলাদেশ জাতীয় ফুটবল দলঃ

আসন্ন সেপ্টেম্বর ২০২২ ফিফা উইন্ডোতে বাংলাদেশ জাতীয় ফুটবল দল আগামী ২২ সেপ্টেম্বর কম্বোডিয়া জাতীয় ফুটবল দলের বিপক্ষে এবং ২৭ সেপ্টেম্বর নেপাল জাতীয় ফুটবল দলের বিপক্ষে খেলার প্রস্তুতি হিসেবে বাংলাদেশ জাতীয় ফুটবল দলের আবাসিক প্রশিক্ষণ ক্যাম্প গত ২৬ আগস্ট ২০২২ থেকে তিন (৩) সপ্তাহের জন্য শুরু হয়েছে।

আমি আশাবাদী এই ক্যাম্প চলাকালীন সময়ে বাংলাদেশ জাতীয় ফুটবল দলের প্রধান প্রশিক্ষক হ্যাভিয়ার ক্যাবরেরার দক্ষ নেতৃত্ব ও তার কারিগরি সহযোগীদের অধীনে আমরা আসন্ন ফিফা উইন্ডোতে একটি শক্তিশালী দল গঠন ও জয়ের লক্ষ্যে কাজ করতে সক্ষম হবো। আমি মনে করি মালয়েশিয়ায় অনুষ্ঠিত গত এশিয়ান কাপ বাছাই পর্বে আমাদের পারফরম্যান্স পুরো দলকে অবশ্যই আশাবাদ ও আত্মবিশ্বাস এনে দেবে। আমি বাংলাদেশ পুলিশ ফুটবল ক্লাব'কে তাদের মাঠ ও অন্যান্য সুযোগ-সুবিধা বাফুফে'র অনুকূলে ব্যবহারের অনুমতি প্রদান করায় আন্তরিক ধন্যবাদ ও কৃতজ্ঞতা জ্ঞাপন করছি।





(২)

সাফ অ-১৭ চ্যাম্পিয়নশীপ ২০২২ঃ

আগামী ০৫ হতে ১৪ সেপ্টেম্বর ২০২২ তারিখ পর্যন্ত 'সাফ অ-১৭ চ্যাম্পিয়নশীপ ২০২২' এর খেলা শ্রীলংকায় অনুষ্ঠিত হবে। উক্ত চ্যাম্পিয়নশীপে বাংলাদেশ অ-১৭ জাতীয় ফুটবল দল অংশগ্রহণ করবে। বাংলাদেশ ফুটবল ফেডারেশনের ব্যবস্থাপনায় বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়াম, কমলাপুরে 'বাফুফে এলিট ফুটবল একাডেমি'তে বাংলাদেশ অ-১৭ জাতীয় ফুটবল দলের আবাসিক প্রশিক্ষণ ক্যাম্প চলমান রয়েছে।

সাফ ওমেন্স চ্যাম্পিয়নশীপ ২০২২ঃ

আগামী ৬ হতে ১৯ সেপ্টেম্বর ২০২২ তারিখ পর্যন্ত নেপালে 'সাফ ওমেন্স চ্যাম্পিয়নশীপ ২০২২' এর খেলা অনুষ্ঠিত হবে। উক্ত চ্যাম্পিয়নশীপে বাংলাদেশ মহিলা জাতীয় ফুটবল দল অংশগ্রহণ করবে। এ লক্ষ্যে বাংলাদেশ মহিলা জাতীয় ফুটবল দলের আবাসিক প্রশিক্ষণ ক্যাম্প মতিঝিলস্থ বাফুফে ভবনে 'বাফুফে ওমেন্স এলিট ফুটবল একাডেমি'তে চলমান রয়েছে।

এএফসি অ-২০ এশিয়ান কাপ ২০২৩, কোয়ালিফায়ারঃ

'এএফসি অ-২০ এশিয়ান কাপ ২০২৩, কোয়ালিফায়ার' এর খেলা আগামী ১০ হতে ১৮ সেপ্টেম্বর ২০২২ তারিখ পর্যন্ত বাহরাইনে অনুষ্ঠিত হবে। উক্ত প্রতিযোগিতায় বাংলাদেশ অ-২০ জাতীয় ফুটবল দল অংশগ্রহণ করবে। বাংলাদেশ ফুটবল ফেডারেশনের ব্যবস্থাপনায় বীরশ্রেষ্ঠ শহীদ সিপাহী মোহাম্মদ মোস্তফা কামাল স্টেডিয়াম, কমলাপুরে 'বাফুফে এলিট ফুটবল একাডেমি'তে বাংলাদেশ অ-২০ জাতীয় ফুটবল দলের আবাসিক প্রশিক্ষণ ক্যাম্প চলমান রয়েছে।

জাতীয় শোক দিবস পালনঃ

গত ১৫ আগস্ট ছিল হাজার বছরের শ্রেষ্ঠ বাঙালি জাতির জনক বঙ্গবন্ধু শেখ মুজিবুর রহমান ও তার পরিবারের সদস্যদের ৪৭তম শাহাদাত বার্ষিকী। জাতীয় শোক দিবস পালন করতে বাফুফে পবিত্র কোরআন তেলাওয়াত, বঙ্গবন্ধু শেখ মুজিবুর রহমান ও তার পরিবারের সদস্যদের প্রতিকৃতিতে পুষ্পস্তবক অর্পণ ও পরবর্তীতে তাদের রুহের মাগফেরাত কামনায় মোনাজাত ও গরিব-অসহায়দের মাঝে খাদ্য বিতরণ করে।

বীর মুক্তিযোদ্ধা শহীদ ক্যাপ্টেন শেখ কামালের জন্মদিন উদ্‌যাপনঃ

জাতির জনক বঙ্গবন্ধু শেখ মুজিবুর রহমানের জ্যেষ্ঠপুত্র, বিশিষ্ট ক্রীড়া সংগঠক ও বীর মুক্তিযোদ্ধা শহীদ ক্যাপ্টেন শেখ কামালের ৭৩তম জন্মবার্ষিকী উপলক্ষে বাংলাদেশ ফুটবল ফেডারেশন এর ব্যবস্থাপনায় কোরআন খতম, প্রতিকৃতিতে পুষ্পস্তবক অর্পণ, মিলাদ ও দোয়া মাহফিল এবং গরীব-দুস্থদের মধ্যে তবারক বিতরণ করা হয়।

বঙ্গমাতা বেগম ফজিলাতুন নেছা মুজিব এর ৯২তম জন্ম বার্ষিকী পালনঃ

হাজার বছরের শ্রেষ্ঠ বাঙালী জাতির জনক বঙ্গবন্ধু শেখ মুজিবুর রহমান এর সহধর্মিণী বঙ্গমাতা বেগম ফজিলাতুন নেছা মুজিব এর ৯২তম জন্ম বার্ষিকী উপলক্ষে বাংলাদেশ ফুটবল ফেডারেশন এর ব্যবস্থাপনায় কোরআন খতম, প্রতিকৃতিতে পুষ্পস্তবক অর্পণ, মিলাদ ও দোয়া মাহফিল এবং তবারক বিতরণ করা হয়।

(৩)

সাফ অ-২০ চ্যাম্পিয়নশিপ ২০২২ঃ

ভারতের ভুবনেশ্বরে অনুষ্ঠিত 'সাফ অ-২০ চ্যাম্পিয়নশিপ ২০২২' এ বাংলাদেশ অ-২০ জাতীয় ফুটবল দলের চমৎকার পারফরম্যান্স সত্যিই সবাইকে আলোড়িত করেছে। দুর্ভাগ্যবশত ভুবনেশ্বরে ভারতের বিপক্ষে আমাদের রানার্স আপ হয়েই দেশে ফিরতে হয় কিন্তু খেলোয়াড়দের এই পারফরম্যান্স সবাইকে মুগ্ধ করেছে। এই দলে বাফুফে এলিট একাডেমির দশ (১০) জন খেলোয়াড় অন্তর্ভুক্ত ছিল, যা থেকে ফুটবলের উন্নয়নের ক্ষেত্রে দীর্ঘমেয়াদী পরিকল্পনা ও খেলাধুলার মানোন্নয়নে কতটা গুরুত্বপূর্ণ তা উপলব্ধি করা যায়। বাফুফের মহিলা ও পুরুষ একাডেমির সঙ্গে জড়িত সকল কর্মকর্তা, কোচ ও সংশ্লিষ্ট সবাইকে আমি সাধুবাদ জানাই।

যুব রেফারি উন্নয়ন কোর্স ২০২২ঃ

রেফারি ছাড়া ফুটবল মাঠে খেলা পরিচালনার কোন সুযোগ নেই। আমরা প্রতিনিয়ত পরবর্তী প্রজন্মের তরুণ রেফারিদের এই পেশায় বিকাশ ও সমর্থন করার জন্য বিভিন্ন কোর্সের আয়োজন করছি। আমরা সকল জেলা ফুটবল এসোসিয়েশন ও বিভাগীয় ফুটবল এসোসিয়েশনের সহযোগিতায় ও পরামর্শ গ্রহণের মাধ্যমে দেশের সকল প্রান্ত থেকে তরুণ রেফারিদের শনাক্ত ও পেশাগতভাবে জড়িত হবার ব্যাপারে আরও উদ্বুদ্ধ করবো। আমি ভবিষ্যতে শুধুমাত্র রেফারিদের জন্য একটি পূর্ণাঙ্গ একাডেমী দেখতে চাই। রেফারিদের জন্য চলমান বিভিন্ন কর্মকান্ড ও কোর্সের সাথে জড়িত সবাইকে আবারও ধন্যবাদ জ্ঞাপন করছি।

বসুন্ধরা গ্রুপ ১ম বিভাগ ও ২য় বিভাগ ফুটবল লীগ ২০২১-২২ঃ

গত ১০ আগস্ট হতে বসুন্ধরা গ্রুপ ১ম বিভাগ ও ২য় বিভাগ ফুটবল লীগ এর খেলা শুরু হয়েছে। আমি উভয় লীগে অংশগ্রহণকারী সকল ক্লাবের কর্মকর্তা, কোচ ও খেলোয়াড়দের প্রাণঢালা শুভেচ্ছা ও শুভ কামনা করছি।

বাফুফে কোচ এডুকেশনঃ

বিগত কয়েক বছরে আমরা বাফুফের টেকনিক্যাল ডিপার্টমেন্ট এর অধীনে অনেক কোর্স, প্রোগ্রাম এবং সেমিনার আয়োজন করেছি যা বাংলাদেশের ফুটবলের সাথে জড়িত সকলের জন্য সুফল বয়ে এনেছে। আউটফিল্ড এবং গোলকিপিংয়ে কোচিং কনভেনশনের অংশ হিসেবে এএফসি'র স্বীকৃতি এবং ফিফার প্রশংসা নিয়ে আমরা সামনে এগিয়ে যাওয়ার চেষ্টা চালিয়ে যাচ্ছি। বাফুফে টেকনিক্যাল ডিরেক্টর পল স্মলিকে তার চলমান কাজের জন্য ধন্যবাদ জানাই। আগামী অক্টোবর ২০২২ মাসে বাফুফে এএফসি প্রফেশনাল ডিপ্লোমা কোর্সের মডিউল-৪ মতিঝিলস্থ বাফুফে ভবনে সকল অংশগ্রহণকারীদের উপস্থিতিতে শুরু হবে।

একাডেমি অ্যাক্রিডিটেশন স্কিম (একাডেমি পরিদর্শন)ঃ

বাফুফে একাডেমী অ্যাক্রিডিটেশন স্কিমের আওতায় আমাদের তৃণমূল ফুটবলের উন্নয়নের অংশ হিসেবে, আমরা সমগ্র দেশের ফুটবল একাডেমিগুলোর সাথে যোগাযোগ অব্যাহত রেখেছি। আমরা প্রতিনিয়ত এই স্কিমের আওতায় এক স্টার, দুই স্টার ও তিন স্টার পাবার ইচ্ছা পোষণকারি একাডেমিগুলো পরিদর্শন করছি এবং যাবতীয় সহযোগিতার মাধ্যমে স্টার স্বীকৃতি প্রদান করছি। আমি বিশ্বাস করি ফুটবলে উন্নয়নের জন্য দেশের প্রত্যন্ত অঞ্চলে অবস্থিত একাডেমিগুলোর সাথে সম্পর্ক স্থাপন করা আবশ্যিক।

UEFA ও AFC এর সহায়তা কর্মসূচির অধীনে বাফুফে একাডেমি বাসের উদ্বোধনঃ

UEFA এবং AFC এর ডেভলপমেন্ট প্রজেক্ট এর অংশ হিসেবে আমাদের সকল এলিট একাডেমী খেলোয়াড়দের প্রতিদিন প্রশিক্ষণ ও জিমে অনুশীলনের সুবিধার্থে আমরা UEFA এসিস্ট এর অর্থায়নে একটি বাস পেয়েছি যা যুব উন্নয়নের অংশ হিসেবে আমাদের খেলোয়াড় ও প্রশিক্ষকদের নিরবিচ্ছিন্ন যাতায়াতে সহায়তা প্রদান করবে এবং উন্নয়নের গतिकে ত্বরান্বিত করবে।